

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski Načelnik

Broj: 02/12-45-12122/21
Sarajevo, 08.09.2021. godine

Na osnovu člana 70. stav 1. Zakona o javnim nabavkama ("Službeni glasnik", br. 39/14), člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke usluga – "Izrada Idejnog i Glavnog projekta kružne raskrsnice na spoju ulica IX transferzale, ulica Džemala Bijedića i Ive Andrića sa projektom izmještanja ili zaštite komunalne infrastrukture na području kružne raskrsnice" Konkurentski zahtjev objavljen na Portalu javne nabavke, broj obavještenja 422-1-2-117-3-76/21 od 14.07.2021. godine i broj 422-1-2-117-8-100/21 od 11.08.2021. godine, na preporuku Komisije za javne nabavke roba i usluga, Općinski načelnik, donosi

ODLUKU

1. Prihvata se ponuda INK CONSTRUCTOR DOO BANJA LUKA, sa najnižom cijenom ponude u iznosu od 23.166,00 KM sa PDV-om, u predmetu javne nabavke – "Izrada Idejnog i Glavnog projekta kružne raskrsnice na spoju ulica IX transferzale, ulica Džemala Bijedića i Ive Andrića sa projektom izmještanja ili zaštite komunalne infrastrukture na području kružne raskrsnice" Konkurentski zahtjev objavljen na Portalu javne nabavke, broj obavještenja 422-1-2-117-3-76/21 od 14.07.2021. godine i broj 422-1-2-117-8-100/21 od 11.08.2021. godine, shodno članu 64. stav 1. tačka b) Zakona o javnim nabavkama.

2. Zadužuje se Služba za zajedničke poslove da obavjesti učesnike u Konkurentskom postupku javne nabavke o donošenju Odluke o dodjeli ugovora.

3. Protiv ove Odluke dozvoljena je žalba u roku od 5 dana od dana prijema iste.

O b r a z l o ž e n j e

Postupak javne nabavke usluga – "Izrada Idejnog i Glavnog projekta kružne raskrsnice na spoju ulica IX transferzale, ulica Džemala Bijedića i Ive Andrića sa projektom izmještanja ili zaštite komunalne infrastrukture na području kružne raskrsnice" pokrenut je Odlukom o pokretanju postupka javne nabavke u skladu sa članom 18. Zakona o javnim nabavkama, putem Konkurentskog zahtjeva objavljenog na Portalu javne nabavke, broj obavještenja 422-1-2-117-3-76/21 od 14.07.2021. godine i broj 422-1-2-117-8-100/21 od 11.08.2021. godine.

Uvidom u Izvještaj i preporuku za dodjelu ugovora Komisije za javne nabavke, utvrđeno je sljedeće:

- da je Zapisnikom sa otvaranja ponuda od 19.08.2021. godine, konstatovano da je zaprimljeno devet ponuda, i to:

1. CPK DOO BANJA LUKA, sa ponudom u iznosu od 17.082,00 KM sa PDV – om,
2. URBIS CENTAR DOO BANJA LUKA, sa ponudom u iznosu od 27.963,00 KM sa PDV-om,
3. ROUTTING DOO BANJA LUKA, sa ponudom od 24.944,40 KM sa PDV- om,
4. GEOPUT DOO BANJA LUKA, sa ponudom od 18.837,00 KM sa PDV- om,
5. INK CONSTRUCTOR DOO BANJA LUKA, sa ponudom od 23.166,00 KM sa PDV-om,
6. RADIS DOO ISTOČNO SARAJEVO, sa ponudom od 22.756,50 KM sa PDV-om,
7. GRUPA PONUĐAČA INŽENJERING DOO SARAJEVO I MODUS PROJEKT DOO KAKANJ, sa ponudom od 27.963,00 KM sa PDV-om,
8. ARTING BH DOO SARAJEVO, sa ponudom od 28.080,00 KM sa PDV-om,
9. SARAJINŽENJERING DOO SARAJEVO, sa ponudom od 34.368,75 KM sa PDV-om.

- da je Komisija je detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da dostavljene ponude ponuđača CPK DOO BANJA LUKA, RADIS DOO ISTOČNO SARAJEVO i GEOPUT DOO BANJA LUKA ne ispunjavaju uslove specificirane u tenderskoj dokumentaciji i to:

- da ponuda ponuđača CPK DOO BANJA LUKA ne ispunjava uslove specificirane u tenderskoj dokumentaciji pod tačkom 4.2.1. pod pod (9) Dokaz izdat od PIO/MIO/Porezne uprave da ponuđač ima u radnom odnosu na neodređeno vrijeme jednog inženjera VSS sa položenim stručnim ispitom i pet godina radnog iskustva koja ne smije biti starija od 30 dana od krajnjeg roka za predaju ponuda.

Uvidom u ponudu ponuđača CPK DOO BANJA LUKA utvrđeno je da je Spisak zaposlenih radnika Porezne uprave, Područni centar Banja Luka, br. 06/1.02/0801-455.12-44586/21 od 11.06.2021. godine stariji od 30 dana od krajnjeg roka za predaju ponuda.

Ponuda navedenog ponuđača ne ispunjava uslove iz tačke 4.2.1. pod tačkom 12) Aneks 9. – Nacrt ugovora nije ponunjen, već samo potpisan od strane ponuđača.

- da ponuda ponuđača GEO PUT d.o.o. Banja Luka ne ispunjava uslove iz tenderske dokumentacije pod tačkom 4.2.1. pod 11) i 13) Dokaz o stručnoj spremi, položenom stručnom ispitu i radnom iskustvu.

Navedeni ponuđač je u sastavu ponude dostavio ovjerene kopije radnih knjižica za tražene inženjere, a ne potvrde o radnom iskustvu, te imajući u vidu da je radna knjižica dokaz o radnom stažu, a ne radnom iskustvu, to nisu ispunjeni traženi uslovi tenderskom dokumentacijom.

Ponuda navedenog ponuđača ne ispunjava uslove iz tačke 4.2.1. pod tačkom 13) tenderske dokumentacije - Popis dokumentacije koja je prilažena uz ponudu, obzirom da ista ne sadrži popis dokumentacije.

- da ponuda ponuđača RADIS d.o.o. Istočno Sarajevo ne ispunjava uslove iz tenderske dokumentacije iz tačke 4.2.1. pod 11) dokaz o stručnoj spremi, položenom stručnom ispitu i radnom iskustvu za inženjera.

U sastavu ponude navedenog ponuđača za Sarić Bojana, diplomiranog inženjera saobraćaja dostavljen je:

- Ugovor potpisan između RADIS d.o.o. Istočno Sarajevo i Sarić Bojana, dipl. inženjera saobraćaja kojim je definisan angažman imenovanog na ovom predmetu nabavke ukoliko dođe do dodjele ugovora navedenom ponuđaču, dana 18.08.2021. godine,

- Potvrda izdata od strane RADIS d.o.o. Istočno Sarajevo, br. 917-08/21 od 18.08.2021. godine kojom se potvrđuje da je Sarić Bojan zaposlen u firmi RADIS d.o.o. Istočno Sarajevo,

- Izvještaj o broju zaposlenih radnika kod poslodavca RADIS d.o.o. Istočno Sarajevo izdato od strane Porezne uprave od 02.08.2021. godine na kojem Sarić Bojan nije evidentiran kao zaposlenik navedenog privrednog društva.

Kako se imenovani ne nalazi na spisku zaposlenika navedenog ponuđača, te kako je sa imenovanim zaključen Ugovor, potpisan između RADIS d.o.o. Istočno Sarajevo i Sarić Bojana, kojim je definisan angažman imenovanog na ovom predmetu nabavke ukoliko dođe do dodjele ugovora navedenom ponuđaču, dana 18.08.2021. godine, te kako je istog dana izdata Potvrda o njegovom zaposlenju kod navedenog ponuđača kojom se dokazuje radni staž na poslovima visoke stručne spreme u trajanju od 17 godina, to se ista ne može uzeti kao valjan dokaz o njegovom radnom iskustvu.

Imajući u vidu navedeno, ponude navedenih ponuđača nisu pripremljene u skladu sa tenderskom dokumentacijom propisanom tačkom 4.1.1., te se odbacuju, shodno članu 68. Zakona o javnim nabavkama.

Komisija je detaljnom analizom pristiglih ponuda, odnosno dokumentacije kojom su ponuđači dokazali svoje kvalifikacije za učešće u ovom postupku, utvrdila da ponude ponuđača URBIS CENTAR DOO BANJA LUKA, ROUTTING DOO BANJA LUKA, INK CONSTRUCTOR DOO BANJA LUKA, GRUPA PONUĐAČA INŽENJERING DOO SARAJEVO I MODUS PROJEKT DOO KAKANJ, ARTING BH DOO SARAJEVO i SARAJINŽENJERING DOO SARAJEVO ispunjavaju uslove specificirane tenderskom dokumentacijom.

Obzirom da se radi o Konkurentskom zahtjevu, objavljenom u na Portalu javne nabavke, broj obavještenja 422-1-2-117-3-76/21 od 14.07.2021. godine i broj 422-1-2-117-8-95/21 od 05.08.2021. godine, da je dostavljeno ukupno devet ponuda od kojih šest ispunjavaju uslove specificirane tenderskom dokumentacijom, na preporuku Komisije za javne nabavke roba i usluga, shodno članu 64. stav 1. tačka b) Zakona o javnim nabavkama, odlučeno je kao u dispozitivu.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za zajedničke poslove
2. U spis

